



3

Урехила берклуми ва къалпти дармунти



5

Ислам ва вачарла адабуни



6

Даджал



НА ДАРГИНСКОМ ЯЗЫКЕ

РУХИЛА ВА БАГЪУДИ ТИНТБИРНИЛА ШАЙЧИБСИ ГАЗЕТА

Дагъистара, Россиялара халкъличи, Дагъиста муфтига гъай.



Аллагъла уличибли!

Дурхъати узбира рузбира! Нушаб лебтасалра дебали хейгибизесли сабри, Кизлярлизиб барибси терактличила бакъес. Москвализиб барибси халаси балагъличира, кѣ суткара архѣдякъи. Тераристунала шайзирад ихтигъуна анџбукълуми нушани 11 дус чедиулира. Сегъуналра гъийъти агарти адамти бубкълуми саби.

Илдачил барх, тераристунани чула пропоганда (чула гъуни)

бузахъули саби, илдира жагъил дурхънира, гъамрулизиб чула гъуни баргили бекълебиубти адамтира саби. Нушани лебил махбирулира, сахъли буахъес, экстремистунас биргъяхъебиахъес. Нушани аргъес замана баилисаби, динна шайчир далкъти пикрумани нуша чина леркулирал. Лебил имамтас ва динна хъанчизартас жумягъи бархъи, тераристуначи къаршили, халкъличи дугъабизес хъажатбиркур.

Лебтазилра тилади бирулира дехъибайзиб, дунъяличиб балбикнира, рахъятдешра диахъес балга бирахъес.

Лебил, охрана правопорядокла ва законла хъанчурбачиб бузантачи, ва чузиб власть лебгачи, дугъадилзулира, Республикала духовенство 15 дусличибра имџџали, динна шайчирад далкъти пикруми баяндирули, ва бархъси динна гъуйчи кайзесла хъажатдешуни баяндирули бузули саби. Амма хъушала ургаб дакъубирули саби, нушани ахъбуцибси суалла (нушала хъанчила) мягъна иргъхергъутира. Москвализиб, Аксайлизиб,

Кизлярлизиб бетаурсиличира херхъебикълуми, цацабехъити чиновникуну (бекъдешлизибти) вагъабистуначи къаршиси закон дураахъниличичи къаршили саби. 1999 дуслизибадди нушани балулира, Дигъиста халкъ тероризмличичи гъачамалра къабулхъебиркур, экстремистунани нушала халкълизирад бутлакъяндеш хъедургу. Ишбархъилизиб ярагъ касибти лебгачилра дугъавизули, тавбура дарили, ярагъра кайхъили, ряхъятти гъамруличичи чарбиахъес тиладибирулира. Хъуша бархъси гъуйчир ахъенрая. Их гъуничи хъуша гъалакъдешличи, ва кѣлра дунъяличир пашмандешличи леркурая. Ишбархъилизиб, властылисра, духовенстволисра, ва цархъилти гражданский институтанас, цабиъниличичи халаси цакъ дяхъичибарес хъажатли саби, иличибли нушала родиналичичи балбикнира, ряхъятдешра дѣтаахъес.

Нушала улкализибра, лебил дунъяличибра балбикнира, цабиънира диахъес Аллагълизи уллули.

Дагъиста муфтий
Гъяхъмад-хъажи Гъябдулаев.

Шагъудвиубли арякъун исламский университетла мугаррис Ильяс-хъажи Жягъфаров

» 2



Мяхъяммад Даудов: «Нушала бекълибиубси гъуна мурад – Аллагъ разиварни саби».



Нушала справка: Мяхъяммад Даудов Лавашала районна Уллугъяяла шилизив аклуб. Гъярабла гъилму делчълунси гъалим сай. Гъанна бусягъят ДУМД лизив узули сай. Исламла багъуди тинтбирнила шайчибси хъанчилис харждирули сай сунела гъамру, муфтийла заместительра сай.

Марлирагу, нуша-алав лебли буили саби адамти, сабира цахънабли, бекъличил Аллагъла гъуйчил, илис гъибадат бирниличил дархъдасунти суалтази бухънаахъибти. Илдигъунти адамти цархъилти адамтас кумекбарес, илдачибси къиянси аги аргъес, гъягъниси секълал барес мурталра хъядурли бирар. Цархъилван биэсра хъебири – илдалакълун бекълибиубси гъуна мурад – Аллагъ разиварни, Илала гъуйчиб гъибадатбарни саби. Илди адамти гъарли-марси адамла у бихес лайикъли саби. Аллагълис дѣза биаб, саби алавси мер къугъа-

бирахъес, адамтала уркълби ванадирахъес, илди динничила багъудлума дирџахъес пайдалачебти, шалати, уркълби умути адамти алкъахънилис!

Чѣдиб гъанбушибтигъунти адамтала къукъллизи гъай агарли керхахъес виар нушала белкъла игит Мяхъяммад Даудовра. Мяхъяммадли бируси хъанчиличила нуни жъявиллира аргъибсири, ил багъандан иличил къарширикахъес бакълбси имканни дебали разириахъубра.

– Мяхъяммад, хъела динничичи аклубси дигиличила, исламличила багъудлума кайсес чум дус

виубхъейчивадал вехъихъибсирил бурили дигахъира.

– Исламличила багъудлума кайсес ну виштгъахъейчивадал вехъихъибсири. Динничичи дигира, баргъуддумачи хъулла адикънилизичи дила неш, Мяхъяммад – Сягъидла рурси Рукъиятли, халаси пай кабихъиб. Илдин сари набзир Исламличичи диги аклахъубти ва гъурхъели илди дѣбадарибти. Аллагъла кумекличил. Нешли гъилму делчълунси сари, ил багъандан нушазира илини диштгъахъейчирад Къуръан делчълахъун, авал дус виубхъели, нуни Къуръан делчълунсири. Дехъибалара дирутири. Нешли кадирхъути дурсрали набзир Аллагъличибад урехи, Исламла динничичи диги адикъур.

– Гъур секъяйда даимбарри хъела гъилмула гъуни, чичив ва чинав учълули калунри?

– 11 дус виубхъели Хасавюртлизичи учлахъес катурра бегъитани секълал балуси гъалимличичи. Илав ну 4 дус учълули калунра. Набчил варх гъаннала муфтий, Гъяхъмад-хъажира учълули калунсири. Итар нушани дебали мурхъти багъудлума касира. Гъур дила гъуни, дила биштгъаси Ватгъайзи Лавашала

районнизибяхъи сабри, Кабкамахъилизи. Къиргъизиялизив цакъси гъалим тевниличила багъурхъели, ну итара ваира, илавад Узбекистайзира.

– Хъу илџџадхъи учълули калунри, Мяхъяммад-хъажи, севан дагаладирулив ишбархъи хъела хъанчилилизир илди багъудлума?

– Бархъли бурасли, багъудлума дагалахъедиес хъедирар сегъуна-дигара анџбукъллизир, илди лерли диалли. Багъудлума нушаб кѣлра дунъяличир (ши дунъяличир ва итил) дебали гъягънидиркути, манпагъятти секълал сари. Ишбархъира, дила хъанчилилизир наб дебали кумекбирули саби нуни итхъели касибти багъудлума. Адамтала сегъунти дигара суалти алкъулди дирар, нушани биалли илдас жаваб нушаб дигуливан, яра чус бакъес хъажатливан ахъенну бедес гъягъниси, шаригъятли секъяйда гъеббурулил, илаб секъяйда белкъил, ил хъясибли саби. Адамти ишбархъи исламла багъудлумагъиб дебали хъажатли саби. Нушала хъанчи адамтази бархъли секълал иргъахъес, исламлизиб чебиахъуливан, ва ил секълал илдала гъякъулизи ва уркълбазичи баахънилизичи саби.

» 3

Шагъидвиубли арякъун исламский университетла мударрис Ильяс-хияжи Жягфаров

Бусурмантн кабуриантн ташбилзули ахлен. Халаси замана аркъули ахлен, чинад биаллира Дагъиста бухнаб сегуналра гъийиб агарти адамти кабурушули саби. Аллагъличи гъибадатличи баклахъес, Идбагла гъуйчи кабизахъес, адамти гъахидешличи баклахъес къайгъибирути саби кабурушутира. Илдас суд бирули ахлен, илдациб чилилра гъийиб чебули ахлен, илдацибси гъийиб, лебил цаъкъиличи, лебил къайгъиличи, илизибадди селра дунъяла талабхлебирули, барес хияжатси тхяярли Аллагълис гъибадат бирнилизибцун саби. Гъахил херизалли – гъалимти кабуриантани илдас халаси гъахидеш саби пешкешбируси. Сенахленну илди шагъидкабиубли аркъули саби, шагъидла бекла биалли гъар бусурман адамла хул саби. Амма илди кабуриантани чули бируси се сабил балулира? Илдас нуша урухдарес дигутира? Сегуналра гъийиб агарти адамти кабурушес чузиб урехи агархели, чула ургаб хлербарили, Исламра тинтлбирули, чула някълизивад беклесра цархилтазиб урехи лебси саби или гъанбиркулира чус? Илкъайда биаллири, нушала челябкъусиличи пикридиклутн диакхелри, чус кавшес чилра хейри лебил бешили аркъи, яра ряхъятли чула хьурахли кабири.

Наёмникунани терроризмла мягъни балхлебули, чула жьргаси хянчи даимбирули саби. Гъаннара маргла 9-личив савли, 4 сьгъят дикибхелели, сунела хьулив, Къизларла районна Ясная Полянала исламский университетла преподаватель Ильяс-хияжи Жягфаров кавшиб.

Ил аклубсири Цунтгинский районна Генцух биклуси шилизиб. Совхоз Комсомолецлизиб илини Къизилортла исламский университет (КИИ) таманбарисери.

2004 дуслизиб «Ас-салам» газетала интервьюлизиб, исламский университетлизи керхнилис се сабабли биуба, чили хул аклахуба ибси суаличи Ильяс-хияжини жаваб чарбатур: «Ну аклубра ва халаваира динничи чекабизурси хъалибарглизв. Дила беглтини набзиб виштлахлейчивад Исламличи диги аклахуб, ва илала дурабадра гъалимтачи учлахъес вархьира. Ну халаваибхелели, дурхъаси дин Ислам гъаттира мурхъли багъес, дила белчлуди даимбарили, Исламский институтлизи учлес арякъунра. Иш гъуйчи кайзнилис гъамрулизив ну гъачамалра пашманхейубра. Аллагълис шукру биаб ну иш гъуйчи кайзахънилис».

Се багъандан ва чихъали сабив илди киллертани кабурушуги? Чули илди адамти балулира? Чули балули хлебиалли нушани чузи бурехле, масала сегуна сайрил Ильяс-хияжи. Ильяс-хияжи валути лебилтани, ил кавшни багъурхелели, цаъсил гъай: «Ил сен кавшибсв? Ил Аллагъла вали сайригу!» или ирули саби. Аллагъла вали виънилис ургар ил кавшибси. Кабуриантас вайти адамти хияжатигъунтти ахлен. Ильяс-хияжичил варх узли калунси ДИУ-ла завуч Мяхмудафанди-хияжи Думалаевли иличила буриб: «Ил анцлбукъличила бакъибхелели, нуни биса ташкаэс хейубра. Ильяс-хияжила бегла гъахлси секла илала Аллагълизибад урехи сабри. Ил сайри дебали цаъкъси истикъаматла (чумали шаригъятла гъуйчи кайзни) вегл адам. Ил чинав узли калаллира, имамли виаб, мударрисли виаб, илини сунечила бегла гъахлси пикри балти. Иличи хериклугли мурталра гъанбиркусири гъарли-марси бусурман Ильяс-хияжигуна виэс гъагъниса сай или. Гъарли-марси бусурман ахиратличилацун пикривиклес хияжатси сай. Ил

тхяярличив сайри Ильяс-хияжира, лебил сунела замана белчлудилис, гъилмулис бедлугусири, дунъяличила секъайдалра пикривиклуси ахленри. Илизиб халаси гъилму лебри, ва итаиша хейкили ил гъилмуличиб гъамалра бирусири. Сунени далули суннат сабини, хлебарили батурси суннатра аги. Ильяс-хияжи наб дила хала дудешличи мешувиркусири, итхелла адамтачи, чузибра гъарли-марси Аллагълизибад урехи лебти адамтачи мешувиркусири. Мякълавсилчи бируси хлеруди, хурмат, Ильяс-хияжилис камси секлаван билзуси ахленри».

Мяхмудафанди-хияжили бурибси къайда, хярп-хярплизивад мешули Ильяс-хияжилчила варх узли калунси, илала юлдаш Мухаммад-хияжи Мухаммадовлира буриб:

– Ильяс-хияжи бахъал агарти адамтазивадли сайри, сабира чумали истикъаматличи кабизурти. Ил секла Ильяс-хияжилчиб дебали херхейзаллира чебусири. Гъилмуличибси милиги илини секъайдалра хъес вирули ахленри. Къурамухаммад-хияжичир (рахимагъуллагъ) дучлукхели, Ильяс-хияжи мурталра сабурагарли гъар дарс бехибхыйчи хериклусири.


Сунезивад сегуналра зарал агарси адам кавшиб. Лебил мударрисунас кумекбарес секла мяштлхебирули илини халаси къайгъибирусири. Нуша мурталра илала кумекличи хърдикес дирутири. Иличил цайнайс къаршивикибхелла замана хъумартес хейрус. Багъуди тинтлбирнила шайчиб бируси хянчила чебакдти собраниеличиб муфтий Гъахлад-хияжини Ильяс-хияжис сегуна сабил хърбаркъ бегид. Ил заманализив Ильяс-хияжи халаси гъирализил муфтийла хърбаркъ барес вехлхъиб. Дахъал мераначир имамдеш дарили хъалли илини сунес гъахлси ванаси мер декларабируси ахленри. Пура гъахил гъанбиркули саби Ильяс-хияжини наб хляжилзибад хибси жуз-тафсир Мухиддина Гъараби, ил жуз нуни Дагъистайзв умцлули баргес хлейубра Илини биалли наб ил жуз дигнира хъумхертурли, баргили хляжилзиб ва наб пешкешбариб. Ил дебали гъахлси адам сайри ва илала беклани нушала уркигтергъира дурхъахули сари. Идбагла асхьяб, дурхъаси Халид бин Валид сунела хъуланазив виклугли сай: «Дила гъамрулизиб бегла разиси бархли сабри, дергъ таманбиубли тергъи, ну заблизивад гъалабуцличил (щитличил) клапикили, хуликлули уира, жьгъял ну шагъид ветарусра или!» Нушара ил хъулличил хердирехле.

Теологияла халкъани-ургарти бархбасунала Институтла Къизларлизибси представительствола директор Хизбула-хияжи Асуев виклар:

– Ильяс-хияжи нушала институтлав халал мугъаллим сайри ва илала халаси хурматхатир лебри мутагъаллимтала ургаб, амма ил сунес дурсри кадрихъахъес вашули ташилзули ахленри. Сейкдес вирару, илини чумал дус беглти чебуси ахленри, лебил замана дурсрас бедили? Сунела гъилмулис бируси къайгъилизвивад ил Къурамухаммад-хияжичи мешувиркусири. Савли сьгъят 8 дикибхелели хянчила ваклили ил Ясная Полянализи, мадрасаларти дурсрачи арукес къалабавиркусири. Илцад замана агниличил херхейклули ил цаъсил курсла кураторра сайри. Наб гъанбиркули саби илала мутагъаллимтанира сунечивад мисал кайсу или. Гъалимтачи някъ ахъбурцутала шайчи бурес дигулира, гъалимти кабурушули Ислам белхъехле или гъанбиркули биалли, алхямдулилагъ, илди дебали хатлабиркули сали.

Катарла хатличил белкунси Къуръан

Катарла – столица Дох биклуси шагъарлизибси исламла искусствота музейлизиб, катарла хатличил Къуръан цалабирхъниличила буриб. нала министр гъайухъун ва Катарла хатличил Къуръан цахнабхъес се барибал се хлядурдеш лебрил багъахъур. Илини декларбариб, ил секла барес пикри 1990



Ил церемониялизи каберхур Катарала эмирла заместитель шейх Тамим бен Хямад аль-Тани, премьер-министр иностранных дел шейх Хямада бен Джасим, бен Джабир, генеральный секретарь ОИК Экмеледдин Ихсаноглу, генеральный секретарь ЛАГ Амр Муса, илдала дурабадра ученыйтала къай. Дуслизвал акни ва ил таманбирули ишбархли бикайчи кални.

Вакпунала министрли гурра багъахъур, каллиграфунала международный конкурс барнира, сунезира 120 цад лебил дунъяла каллиграфуни цалабикити. Бегла тергъира Къуръан кабахъили дураэс Сирияла каллиграф Салихаль-Банкила хянчи декларбариб. Церемония кабуруххели Катарла принцли Обейдат Салихаль-Банкилизи сунела хянчурби.

Гъаялизи-махъилизиб мавлид бариб



Ишбархли лебил Дагъистайзв халаси цаъкъиличил гъалабахли башули саби Ислам, деклар-декларти мажлисуни, мавлидуну дирули сари. 7 ибил маргла цаъсил бархли, Сергокъала районна Гъаялизимахъи биклуси шилизиб, Дом культуры зданиела бухнаб мавлид бариб. Ил мавлидличил ДУМД-ла хянчизартти ва Дагъиста муфтийла заместитель Давудов Мухаммад ваклиб. Илар деклар-декларти вягъурти дуриб, гъалимти гъайбухъун, динна шайчирад деклар-декларти суалти хярдиули калун. Мавлидла ахирличиб организаторли (бариб-сини) – цалабикитасрашила бекл администраторли, администрацияла зданиела бухнаб, лебил баклибтасра, мавлидличил столти берклума даршили илди бахун.

Аллагъли ил мавлид кабулбараб ва ил мавлидла баракат багъандан лебил бусурмантала иманра цаъкъабараб.

<p>Учредитель Благотворительный фонд «Путь». Газета печатается по согласованию и одобрению Духовного управления мусульман Дагестана</p> <p>Редакционный совет Председатель редакционного совета муфтий РД Ахмад-хаджи АБДУЛАЕВ заместитель муфтия РД Мухаммад ДАВУДОВ</p>	<p>Редактор Асхаб ДЖАРБАЕВ</p> <p>Канонический редактор Мухаммад ДАВУДОВ</p> <p>Корректор-стилист Патимат СУЛЕЙМАНОВА</p> <p>Ответственный секретарь Ахмед МАГОМЕДОВ</p> <p>Верстка Лейла ГУСЕЙНОВА</p>	<p>Набор Гульнора АБДУЛАЕВА</p> <p>Менеджер Абдусабир АХМЕДОВ</p> <p>Газета зарегистрирована Федеральной службой по надзору в сфере связи, информационных технологий и массовых коммуникаций.</p>	<p>Свидетельство о регистрации ПИ № ФС 77-377006 от 29 июля 2009 г. При перепечатке ссылка обязательна.</p> <p>Набрано и сверстано на компьютерной базе газеты «Ас-Салам». Отпечатано в ООО «Дом печати» по адресу: пр-т Акушинского, 20.</p> <p>Заказ № _____</p> <p>Сдано в печать 13 апреля 2010 г.</p>	<p>Тираж 3.900 экз.</p> <p>Адрес редакции 367015, РД, г. Махачкала, ул. Азиза Алиева, 2.</p> <p>По вопросам подписки и доставки обращаться по телефонам: по Республике Дагестан — 8-988-699-28-24 по г. Махачкале — (8722) 914-222.</p> <p>E-mail: assalamweb@gmail.com; www.assalam.ru</p>
---	--	---	--	---

